

Lycia inter Pamphyliam ab Ortu, & Cariam ab Occasu, Lydiam & Phrygiam Pacatianam à Septentrione, & mare Rhodium à Meridie sita est.

Phrygia Pacatiana habet à Septentrione Bithyniam, Honoriadem, & Galatiam, ab Occasu Hellespontum, à Meridie Phrygiam Salutarem, Lydiam, Cariam & Lyciam, & ab Ortu Pisidiam cum Galatia.

Pisidia à Meridie adjacet Pamphyliæ, ab Occasu Phrygiæ Pacatiænæ, ab Ortu Lycaoniæ, & à Septentrione partim eidem Phrygiæ partim Galatiæ Salutari.

Pamphylia habet ab Ortu Isauriam, ab Occasu Lyciam, à Septentrione Pisidiam, à Meridie mare Pamphylium.

Lycaonia denique terminatur ab Ortu Tauro monte, ab Occasu Pisidia, à Meridie Isauria, & à Septentrione Galatia Salutari.

III. Pontus secunda Diœcesis Præfecti Prætorio Orientis, à Bosphoro Thraciæ Bithyniam, Paphlagoniam, Galatiam, & Cappadociam aliasque Provincias complectens, ad Euphratem usque protenditur. Hunc primum Pompejus^a in Provinciæ formam redegit, postea^b Mithridati Pergameno regendus concessus est. Tandemque, ut ait Sextus^c Aurelius, regia stirpe deficiente, Neronis tempore iterum Provincia factus est. Theodosius Imperator eum in octo regiones divisum Vicario subjecit: hæque fuerunt, Pontus Polemoniacus, Amasia, Honorias, Bithynia, Paphlagonia, Armeniæ duæ, & Cappadocia, ¹ authore Stephano^d. At paulo post in undecim distributus, quæ sic in Notitia Civili Imperii Romani recensentur:

PONTI DESCRIPTIO ET PROVINCIAE.
^a Sext. Ruf. in Breviar.
^b Hirtius lib. de bello Alexandr.
^c Aur. Vict. par. 2. de Cæsar.
^d Stephanus de Urbibus.

Ponticæ Diœcesis undecim Provinciæ.

Galatia, Bithynia, Honorias, Cappadocia prima, Cappadocia secunda, Paphlagonia, Pontus Polemoniacus, Hellenopontus, Armenia prima, Armenia secunda, Galatia Salutaris.

Bithynia ab Occasu terminatur Propontide & Bosphoro Thraciæ, à Septentrione Ponto Euxino, ab Ortu Honoriade, à Meridie Phrygia Pacatiana, & Hellesponto.

Honorias habet ab Ortu Paphlagoniam, à Meridie Phrygiam Pacatianam & Galatiam Salutarem, ab Occasu Bithyniam, & à Septentrione Pontum Euxinum.

Paphlagoniæ termini sunt ab Occasu Honorias, à Septentrione Pontus Euxinus, ab Ortu Hellenopontus, & à Meridie Galatia utraque.

Hellenopontus adjacet ab Occasu Paphlagoniæ & Galatiæ primæ, à Meridie Cappadociæ primæ, ab Ortu Ponto Polemoniaco, & à Septentrione Ponto Euxino.

Pontus Polemoniacus clauditur ab Occasu Hellenoponto, ab Ortu & Meridie Armenia prima, & à Septentrione Ponto Euxino.

Armenia prima inter Pontum à Septentrione, Euphratem ab Ortu, Antitaurum & Cappadociam à Meridie, & Pontum Polemoniacum ab Occasu sita est.

Armenia secunda extat inter Taurum montem à Meridie, Antitaurum à Septentrione, Cappadociam secundam ab Occasu, & Euphratem ab Ortu.

Cappadocia prima ab Ortu terminatur Armenia prima & Antitauro, à Meridie Lycaonia & Cappadocia secunda, ab Occasu Galatia Salutari, & à Septentrione Hellenoponto.

¹ Cap-

NOTÆ LUCE HOLSTENII.

¹ Authore Stephano.] Falsò hunc auctorem laudat suæ assertionis; nihil enim tale uspiam apud Stephanum extat, quod vel uno ex loco ejus constet. v. Amasia, quam ille non Provinciam sed Ponticam civitatem esse scribit. Ita Amisum & Polemonium simpliciter in Ponto locat, uti etiam Sinopen & Trapezuntem. Cappadociam autem cum olim in

Majorem & Minorem fuisset distincta, suo tempore in Primam & Secundam divisam fuisse diserte scribit. Ita Armeniam ferè semper simpliciter & indivisim profert, nisi quod Nicopolin Minoris Armeniæ civitatem appellet. Hæc igitur non intellecta ex aliis temerè confarcinata.